



Gáivuona kulturskuvla

Njuolggadusat



Gáivuona suohkan
Kåfjord kommune
Kaivuonon komuuni



GÁIVUONA KULTURSKUVLA

Kåfjord kulturskole

Kaivuonon kulttuurikoulu



NORSK KULTURSKOLERÅD

§ 1. Eaiggát

Gáivuona kulturskuvlla eaiggáda ja doaimmaha Gáivuona suohkan.

§ 2. Čanastupmi

Stuoradiggi lea lágain beaiváduvvon 19.06.97 mearridan ahte buot suohkaniin galgá musihkka – ja kulturskuvla vrd. Oahpahuslága § 13 -6, Musihkka – ja kulturskuvlafálaldat:

“ Suohkanis galgá okto dahje searválaga nuppiin suohkaniin musihkka – ja kulturskuvlafálaldat mánáide ja nuoraide, mii lea muđui čadnon skuvlii ja kulturdoaimmaide. Politiijaduodaštusgáibáduš lea vuodđuduvvon § 10 -9.”

§ 3. Áigumuš

Gáivuona suohkan galgá fállat alladássaš oahpahusa buot hutkkas fágain, mat deattuhit searvadahttima ja heiveheami ovttagaslaš dásis. Kulturskuvla fállá oahpahusa mánáidgárddiin, ohppiide vuodđo- ja joatkkaskuvllas ja maiddá kurssaid ja doaluid rávis olbmuide ja vuorrasiidda suohkanis. Kulturskuvla galgá leat láidesteadji ovttasbarggus ásahusaiguin, servviiguin ja organisašuvnnaiguin báikkálaččat ja guvllolaččat. Kulturskuvla galgá maiddá ráhkkanahhtit ohppiid, geat dan háliidit, jus galget álgit joatkkaoahpahusa studerenráhkkanahhti musihkka, dánsa ja drámá suorgái ja maiddá hábmenfága studerenráhkkanahhtimii.

§ 4. Kulturskuvlla hálddašeapmi

- Ovttasbargolávdegottis lea unnimus okta váhnen juohke golmma skuvlabiirres, rektor, kulturskuvlla bargiid ovddasteaddji ja politihkalaš ovddasteaddjit.
- Váhnenčoahkkimat dollojit juohke čavčča dárbbu mielde.
- Kulturskuvllas galget guhtta ráhkkananbeaivvi juohke skuvlajagi.

§ 5. Oahpahusa doaibmanmáalle

- Oahpahus ja doaibmanmáalle lea dan duohken man ollu bargit ja ruhta lea juolluduvvon.
- Kulturskuvlla oahpahus lea seamma áigodagain go suohkana vuodđoskuvllat doibmet.
- Kulturskuvlla oahpahus lea dábálaččat beaivet, maŋjelgaskabeaivvi ja eahkes. Kulturskuvlla ohppiin lea oahpahus vahkkoplána vuodul lanjain Dálusvákkis ja Olmmáivákkis.
- Ovttaskas oahpahusa áiggiid lihtodit oahpaheaddji ja váhnemat. Stuorit joavkkuid oahpahus galggašii heivehuvvot nu ahte lea buot ohppiide suohkanis vejolaš fálaldat. Joavkofálaldat galggašii maiddá biddjot nu ahte oahppit sáhttet čuovvut skuvlasáhtu. Ohppiidlohku dagaha ahte lea lunddolaš dušše nuppi báikkis doallat oahpahusa.

- Vahkkosaččat oažžu oahppi 30 minuvtta okto oahpu čuojanasas. Joavkooahpamus musihkas, teáhteris ja visuála fágain bistet gaskal 30 ja 120 minuvtta.
- Juohke oahpaheaddji geatnegahtto heivehit doaibmanmálla buoremusat ohppiide ja bargat nu ahte buohkat besset ovdánahttit iežaset máhtu ja gálggaid sihke okto ja joavkkus.

§ 6. Dieđiheapmi kulturskuvlafálaldagaide

- Dieđiheapmi kulturskuvlii dahkko suohkana neahttasiiddus ja sisaváldin dáhpáhuvvá dađistaga go leat sajít. Vuordinlisttu bidjet jus lea dárbu.
- Saji doalaha dassázii go čálalaččat dieđiha eretcealkinskoviin, mii lea suohkana neahttasiiddus. Čakčaáigodaga áigemearri lea geassemánu 1. beaivi ja juovlamánu 1. beaivi giđđaáigodahkii. Jus ii leat cealkán eret áigemeari siskkobealde, sáhtta kulturskuvla gáibidit mávssu boahhte áigodaga ovddas.
- Dieđut kulturskuvlla fálaldagaide ja guoros sajiid birra gávdnojit suohkana neahttasiidduin,
- Rektoris lea áššemeannudanovddasvástádus dasa mii guoská dieđihemiide.

§ 7. Skuvlla ruhtadeapmi

Skuvlla ruhtada suohkan ja váhnenmáksu, Prošeavttat, main kulturskuvla lea ovddasvástideaddji, sáhttet earát ruhtadan.

§ 8. Vánhenmáksu

Suohkanstivra mearrida váhnenmávssu meriid.

- Jagi 2020 borgemánus lea váhnenmáksu 750 ruvno jahkebealis.
- Just eanet oappázagat/ vieljažagat oassálastet, máksá guhte ge 450 ruvno jahkebealis. Jus oassálastá eanet fálaldagain, lea sutnje seamma ortnet.
- Suohkanis lea ovddasvástádus sáddet máksingáibádusa guovtte háve skuvlajagis.
- Vánhenmáksu gokčá 34 oahpahušdiimmu skuvlajagis. Jus gártet unnit go 34 diimmu jagis go oahpaheaddji lea eret, sáhttet váhnenmáksu vuoliduvvot, Dán ferte ohcat.
- Jus oahppi lea buohcci guhká, sáhtta váhnenmáksu vuoliduvvot, Dán ferte ohcat.
- Jus oahppi ii boađe fálaldahkii, de ii vuoliduvvo váhnenmáksu.
- Pr. august 2020 er avgiften 750 kr pr. semester.

§ 9. Reaiddut

- Kulturskuvllas leat reaiddut buot fálaldagaide oahpahušdiimmuin kulturskuvlla lanjain.
- Ohppiin fertejit iežaset reaiddut/ čuojanasat hárhallamiidda ruovttus, Earenoamáš dilálašvuodain sáhtta kulturskuvla luoikat reaidduid/ čuojanasaid oanehit áigái. Dalle ferte ráhkadit reaidošiehtadusa.

§ 10. Njuolggadusat ohppiide ja ovddasteddjiide kulturskuvllas

1. Oahppit galget boahtit rievttis áigái ja leat ráhkkanan oahpahusdiimmuide. Jus oahppi lea buohcci dahje ii boađe, galgá addot ovdagihtii diehtu oahppi oahpaheaddjái. Dát diimmut eai buhtaduvvo.
2. Jus dávjá jávká ja ii dieđit dahje lea jeagoheapmi, sáhtta massit saji kulturskuvllas.
3. Jus kulturskuvlla čuojanasat/ reaiddut billašuvvet, galgá ovtatmanos dieđihit kulturskuvlla rektorii. Jus hárehisvuohta lea sivva, ferte oahppi máksit divvuma. Lea kulturskuvlla rektor, gii mearrida áššis.
4. Ovddasteaddjit fertejit dovdat dieđuid mat bohtet kulturskuvlla bargiin. Eaktun lea ahte kulturskuvllas álo leat rievttis čujuhusdieđut ohppiid birra, ja ahte ovddasteaddjit dieđihit rievdadusaid kulturskuvlla rektorii.

§ 11. Rievdadit njuolggadusaid

Suohkanstivra mearrida go njuolggadusaid rievdadit. Gustovaš fágálavdegoddi galgá gieđahallat ášši ovdal go suohkanstivra mearrida.